

JU OŠ "BEHAUDIN SELMANOVIĆ"

Sarajevo

Broj protokola: 02-1440-1/22

Sarajevo, 14.11.2022.godine

Obavijest o nemogućnosti imenovanja lica ovlaštenog za prijem i postupanje po prijavama korupcije

U JU OŠ „Behaudin Selmanović“ Sarajevo na radnom mjestu sekretara škole zaposlena je radnica, koja ima završen VI stepen stručne spreme, Pravni fakultet i stručni naziv - pravnik.

U Zakonu o prevenciji i suzbijanju korupcije u Kantonu Sarajevo propisano da za prijem prijava korupcije i za postupanje po prijavama korupcije „navedeno ovlašteno lice mora imati VII stepen stručne spreme, završen pravni fakultet sa 240 ECTS bodova ili ekvivalent“.

Tražili smo upute od Ministarstva pravde i uprave Kantona Sarajevo (upit je poslat 29.09.2022. godine) i Ministarstva za odgoj i obrazovanje Kantona Sarajevo (upit je poslat 29.09.2022. godine), na koji način postupiti, a ispoštovati Zakon o prevenciji i suzbijanju korupcije u Kantonu Sarajevo. Dana 20.10.2022. godine od Ministarstva pravde i uprave Kantona Sarajevo dobili smo slijedeći odgovor:

U članu 31. jasno su definisani uslovi koje ovlašteno lice ili ovlaštena lica za prijem i postupanje po prijavama korupcije moraju ispunjavati. S obzirom na predviđene radnje utvrđene u članu 34. Zakona, koje ovlašteno lice odnosno lica za prijem i postupanje sa prijavama preuzima, ovo ministarstvo je pri izradi ovog zakona zauzelo stav da takve radnje može obavljati samo lice koje ima VII stepen stručne spreme, završen pravni fakultet sa 240 ECTS bodova ili ekvivalent, što je u toku javne rasprave na nacrt Zakona sugerisao i Transparency International Bosne i Hercegovine.

Poduzimanje gore navedenih radnji podrazumjeva poznavanje širokog spektra propisa, a što se može očekivati samo od lica navedene visoke stručne spreme, kao što su primjera radi poznavanje propisa o zaštiti ličnih podataka, propisi koji se tiču disciplinske i materijalne odgovornosti prijavljenog lica, propisi koji se odnose na izvršenje prekršaja i krivičnih djela. U krajnjem slučaju, ovlašteno lice je po prijemu prijave korupcije dužno prepoznati da li ista sadrži elemente koji upućuju na disciplinsku odgovornost prijavljenog lica, prekršaj ili krivično djelo, te takvu prijavu prosljediti nadležnim organima, u Zakonu utvrđenom roku, što podrazumijeva i saradnju sa organima utvrđenim u članu 34. Zakona. Shodno gore navedenom, a u cilju pravilne primjene Zakona, te uzimajući u obzir imperativni karakter norme u članu 31. Zakona, ovo ministarstvo ne može dati bilo kakvu drugu uputu od one koja je propisana u navedenom članu Zakona.

Dana 07.11.2022. godine od Ministarstva za odgoj i obrazovanje Kantona Sarajevo dobili smo slijedeći odgovor: Molimo Vas da se upitom obratite Ministarstvu pravde i uprave Kantona Sarajevo, koje je u svojstvu predlagača Zakona o prevenciji i suzbijanju korupcije u Kantonu Sarajevo („Službene novine Kantona Sarajevo“, broj 35/22) i ima nadležnost za tumačenje istog. Od Ureda za borbu protiv korupcije i upravljanje kvalitetom Kantona Sarajevo još nismo dobili odgovor (upit je poslat 11.11.2022. godine). Na osnovu gore navedenog, Škola još uvijek nije imenovala lice za prijem prijava korupcije i za postupanje po prijavama korupcije.



Direktor

Selmir Fehratović, prof.

Selmir Fehratović